



Broj: 01-59/20
Vareš, 28.05. 2020. godine

Z A P I S N I K
sa 2. Vanredne sjednice Općinskog vijeća Vareš,
održane 24.04. 2020. godine

Predsjedavajući OV pozdravio je sve prisutne.

Predsjedavajući OV sugerisao je da zbog vanrednih okolnosti izazvanih pandemijom COVID-a – 19, vijećnici svoje diskusije u toku današnje sjednice svedu na minimum.

Izvršena je prozivka vijećnika.

Prisutni vijećnici: Mirnes Ajanović, Adis Čizmo, Dženan Džafo, Nermin Hrvat, Emir Islamović, Kenan Kamenjaš, Demo Kevrić, Mario Mirčić, Safeta Muftić, Anel Muftić, Nedžad Mušanović, Kruno Riđić, Branko Romić, Igor Šimić i Nikola Šimić i Fadila Turki.

Odsutni: Ilhana Fatić, Lidija Miletović Berberović i Elvir Rožajac,

Adis Čizmo – predsjedavajući Općinskog vijeća Vareš konstatira da Vijeće može raditi jer ima kvorum za rad sjednice.

Predsjedavajući OV otvorio je 2. Vanrednu. sjednicu s početkom u 10,00 sati, u velikoj sali Općine Vareš.

Pored vijećnika sjednici prisustvuju: Općinski načelnik – gosp. Zdravko Marošević, sekretar Općinskog vijeća – gosp. Leon Pavlović, pomoćnik načelnika – gosp. Ermin Musa, predstavnik firme „Eastern Mining“ d.o.o. Sarajevo – gosp. Miloš Bošnjaković i predstavnici medija.

Predsjedavajući OV izjavio je da je razlog za zakazivanje 2. Vanredne sjednice taj, da bez obzira na problem izazvan pandemijom COVID 19 koji je zahvatio čitav svijet, našu državu i našu lokalnu zajednicu, ne smijemo i ne bi trebali da zaustavljamo neke privredne procese koji se dešavaju na području općine Vareš. Moramo zaštititi budžet, općinu Vareš i sve privredne subjekte koji nisu zaustavili svoj rad i radnje istraživanja na području općine Vareš.

Predsjedavajući OV stavio je na raspravu prijedlog dnevnog reda za 2. Vanrednu sjednicu OV.

Nije bilo rasprave i predsjedavajući OV stavio je na izjašnjanje prijedlog dnevnog reda 2. Vanredne sjednice OV.

Nakon izjašnjanja vijećnika predsjedavajući OV konstatuje da **je jednoglasno sa (16 glasova „ZA“) usvojen sljedeći**

Dnevni red

- 1. Prijedlog Odluke o prodaji nekretnine radi oblikovanja građevinske parcele (Kamenjaš Zafer i Kamenjaš Taib – Dabravine).**
- 2. Prijedlog Odluke o prodaji nekretnine radi oblikovanja građevinske parcele (Dusper Ivo- Vareš-Mir).**
- 3. Prijedlog Zaključka o davanju Saglasnosti za dodjelu koncesije na istraživanje i eksploataciju rude kroma na području Duboštica – Tribija, općina Vareš.**
- 4. Prijedlog Zaključka o davanju saglasnosti za proširenje koncesije na istraživanje i eksploataciju olova, cinka, barita i pratećih minerala na području Borovica-Semizova Ponikva, Orti-Selište-Mekuše-Barice-Smajlova šuma-Maćak i Droškovac-Brezik, općina Vareš.**

Općinski načelnik Zdravko Marošević obratio se prisutnima i u svom obraćanju izvijestio prisutne o stanju u općini Vareš. Podsjetio prisutne da je naša lokalna zajednica odradila posao od prvih uputa nadležnih za vrijeme ove pandemije. Dobili smo određene donacije u opremi (novčanih donacija nije bilo). Zahvalio se svima na angažmanu koji su kroz svoj rad, donacije, pridržavanje uputa i pomoći svojim susjedima dali svoj doprinos. Dao je pojašnjenje u vezi zakazivanja današnje sjednice i zamolio sve vijećnike da ako imaju pitanja, dopuna u vezi tačke 3. i 4. ,ista upute i traže pojašnjenje od direktora gosp. Miloša Bošnjaković koji je prisutan na današnjoj sjednici.

Ad. 1.

(Prijedlog Odluke o prodaji nekretnine radi oblikovanja građevinske parcele (Kamenjaš Zafer i Kamenjaš Taib – Dabravine).)

Predlagač nije imao dodatno pojašnjenje.

Nije bilo rasprave i predsjedavajući OV stavio je na izjašnjanje Prijedlog Odluke o prodaji nekretnine radi oblikovanja građevinske parcele (Kamenjaš Zafer i Kamenjaš Taib – Dabravine).

Nakon izjašnjanja vijećnika predsjedavajući OV konstatuje da je **jednoglasno sa (16 glasova „ZA“) usvojena**

Odluka o prodaji nekretnine radi oblikovanja građevinske parcele (Kamenjaš Zafer i Kamenjaš Taib – Dabravine)

Ad. 2.

*(Prijedlog Odluke o prodaji nekretnine radi oblikovanja građevinske parcele
(Dusper Ivo-Vareš-Mir)*

Predlagač nije imao dodatno pojašnjenje.

Otvorena je rasprava u kojoj je učestvovao vijećnik Đemo Kevrić koji je predložio da kod ovakvih odluka (tačka 1. i 2.) gdje se radi o prodaji nekretnina koje su u vlasništvu Općine Vareš, dostavljaju se uz odluke od urbanističke službe i skice parcela. Dao je pojašnjenje.

Nije više bilo učesnika u raspravi i predsjedavajući OV stavio je na izjašnjanje Prijedlog Odluke o prodaji nekretnine radi oblikovanja građevinske parcele (Dusper Ivo – Vareš-Mir) uz

Zaključak:

- **Da nadležne službe, ubuduće kod dostavljanja prijedloga odluka Vijeću na razmatranje, o kojima se radi o prodaji nekretnina, uz iste dostavljaju kao prilog i skice parcela.**

Nakon izjašnjanja vijećnika predsjedavajući OV konstatuje da je **jednoglasno (sa 16 glasova) usvojen Zaključak i**

***Odluka o prodaji nekretnine radi oblikovanja građevinske parcele
(Dusper Ivo –Vareš-Mir).***

Ad.3.

(Prijedlog Zaključka o davanju saglasnosti za dodjelu koncesije na istraživanje i eksploataciju rude kroma na području Duboštica-Tribija, općina Vareš.)

Otvorena je rasprava u kojoj su svoje stavove, prijedloge, sugestije, primjedbe i pitanja iznijeli vijećnici: Kruno Riđić (predložio je predlagaču da se na str. 2. u tački II gdje je navedeno da „na predmetnoj lokaciji ne postoje izvorišta i lokalni vodoprivredni objekti“ to ispravi i navede da isti „postoje“, da se tačka III preformuliše i da glasi: „U svim aktivnostima dodjele koncesije nije konsultovana mjesna zajednica.“), Adis Čizmo, pomoćnik načelnika Ermin Musa (ispred predlagača izjavio je da prihvata sugestiju vijećnika Krune Riđić koja se odnosi na tačku II i da će se izvršiti ispravka i navesti da na predmetnoj lokaciji, „postoje“ izvorišta i lokalni vodoprivredni objekti, dao je odgovore na pitanja u vezi konsultovanja mjesne zajednice i izjavio da će mjesna zajednica biti konsultovana o čemu je dao pojašnjenje), Mirnes Ajanović, Emir Islamović, Branko Romić, Mario Mirčić i Safeta Muftić.

Zaključena je rasprava i predsjedavajući OV stavio je na izjašnjanje, (uz ispravke i preporuke koje je moguće dopuniti i ispraviti od strane predlagača,) Prijedlog Zaključka o davanju saglasnosti za dodjelu koncesije na istraživanje i eksploataciju rude kroma na području Duboštica-Tribija, općina Vareš.

Ispred ovlaštenog predlagača, pomoćnik načelnika Ermin Musa izjavio da će biti izvršena ispravka u tački II.

Nakon izjašnjavanja vijećnika predsjedavajući OV konstatuje da je sa **15 glasova „ZA“** i **1 glasom „PROTIV“** usvojen

Zaključak o davanju saglasnosti za dodjelu koncesije na istraživanje i eksploataciju rude kroma na području Duboštica-Tribija, općina Vareš.

Ad.4.

(Prijedlog Zaključka o davanju saglasnosti za proširenje koncesije na istraživanje i eksploataciju olova, cinka, barita i pratećih minerala na području Borovica-Semizova Ponikva, Orti-Selište-Mekuše-Barice-Smajlova šuma-Maćak i Droškovac-Brezik, općina Vareš.)

Otvorena je rasprava u kojoj su svoje stavove, sugestije, primjedbe i pitanja iznijeli vijećnici: Kruno Ridić, Mirnes Ajanović, Adis Čizmo i Branko Romić.

Predstavnik kompanije „Eastern Mining“ d.o.o. Sarajevo gosp. Miloš Bošnjaković obratio se prisutnima i u svom kratkom obraćanju, a na osnovu diskusije vijećnika, predložio je Vijeću da se organizuje sastanak na kome bi se razgovaralo o svim detaljima, pitanjima i nejasnoćama koje su vijećnici iznijeli u toku svog izlaganja po ovoj tački dnevnog reda. Upoznao je prisutne o zakonskim obavezama, procedurama i pravilima koje firma provodi i koje je obavezna provesti u toku svog rada i svojih aktivnosti. Odgovorio je na pitanja vijećnika postavljena u raspravi (vodozaštitnim zonama, zemljištu u privatnom vlasništvu, provođenju javnih rasprava i slično).

Predsjedavajući OV, na osnovu prijedloga gosp. Miloša Bošnjaković u vezi organizovanja sastanka, izjavio je da isti podržava i da se sastanak organizuje kad se steknu uslovi i u skladu sa naredbama nadležnih zbog nastale situacije izazvane pandemijom COVID 19.

U daljnjoj raspravi je učestvovao zamjenik predsjedavajućeg OV Nikola Šimić.

Zaključena je rasprava i predsjedavajući OV stavio je na izjašnjavanje Prijedlog Zaključka o davanju saglasnosti za proširenje koncesije na istraživanje i eksploataciju olova, cinka, barita i pratećih minerala na području Borovica-Semizova Ponikva, Orti-Selište-Mekuše-Barice-Smajlova šuma-Maćak i Droškovac-Brezik, općina Vareš.

Nakon izjašnjavanja vijećnika predsjedavajući OV konstatuje da je sa **15 glasova „ZA“** i **1 glasom „PROTIV“** usvojen

Zaključak o davanju saglasnosti za proširenje koncesije na istraživanje i eksploataciju olova, cinka, barita i pratećih minerala na području Borovica-Semizova Ponikva, Orti-Selište-Mekuše-Barice-Smajlova šuma-Maćak i Droškovac-Brezik, općina Vareš.

Predsjedavajući OV poručio je svim građanima općine Vareš da se pridržavaju preporuka, mjera i naredbi u vezi zaštite i sprečavanja širenja pandemije izazvane COVID-om 19, naloženih od svih nadležnih Kriznih štabova.

Uputio je svim građanima općine Vareš čestitke za 1. maj – Međunarodni praznik rada i svim vjernicima islamske vjeroispovijedi čestitke za mjesec Ramazan.

Sastavni dio ovog Zapisnika je audio zapis sjednice.

Sjednica je završena u 12,00 sati.

SEKRETAR

Leon Pavlović

ZAPISNIČAR

Azra Pijadžer

***PREDSJEDAVALAČI
OPĆINSKOG VIJEĆA***

Adis Čizmo